



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1400. usque ad annum 1415 - Unacum Dissertatione  
Præliminari Ad Historiam Sæculi XV.

**Fleury, Claude**

**August. Vind. [u.a.], 1767**

**VD18 90118286**

§. 51. Bellum sacrum a Joanne XXIII. in Mauros decretum.

---

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

Sæcul. XV.  
A.C. 1411.

subjungunt pacis condiciones, quarum prima erat, quod articuli controversi sententiæ Pontificis tanquam Arbitratoris subjiciantur; Altera vero, quod Stolpiæ & Massoviæ Duces necnon Sigismundus Hungariæ Rex, si ipsis huic paci accedere placuerit, sub eadem comprehensi censeantur. Pace ita conclusa Poloniæ Rex Legatos suos ad Joannem XXIII decernit, quos quidem summus Pontifex perbenigne excepit, nunquam tamen adduci potuit, ut sacræ contra Tartaros expeditioni, quam legati nomine Regis petebant, consentiret, quoniam adversus Ladislaum Neapolis Regem jamjam sacræ ejusmodi militiam indixerat, seu verius, quia Sigismundus & Equites Polonorum desiderio obluçtati fuerant, veriti, ne Rex Poloniæ hujus belli obtenta arma contra ipsosmet converteret.

§. LI.

*Bellum sacrum a Joanne XXIII. in  
Mauros decretum.*

Eodem anno Joannes XXIII aliam sacræ expeditionem decrevit, quæ honorificum magis præseferbat titulum, ac illa contra Ladislaum indicta; hac enim conatus erat Maurorum Granatensium insultus frangere, qui in Castellæ regnum irrumpentes, Christianos immani cæde afficie-



afficiebant. Igitur Cardinalis Jordanus ab Urfinis obtenta sacram hanc militiam promulgandi facultate tanquam Sedis Apostolicæ Legatus in Hispanias venit, minus prospero tamen Legationis suæ successu; Benedictus enim Papa in hoc regno suum adhuc imperium exercens, Joannis XXIII. Bullas flocci pendebat, aliunde etiam Ferdinandus Arragoniæ Rex cum Mauris inducias pactus erat, arma sua in Orgelitanum Comitem conversurus. Hic autem bellum adversus Mauros coeptum tandem suæ cervici impendere sentiens, Ferdinando fidem suam jurejurando obstrinxit. Cum vero hæc subjectio non nisi ad fallendum instructa esset, paulopost ad arma Comes rediit, ad tantas tamen brevi tempore redactus angustias, ut Ferdinandi clementiam supplex implorare coactus fuerit, qui eidem vitæ quidem gratiam fecit, ad perpetuos tamen condemnavit carceres, in quibus etiam contabuit.

## §. LII.

*Concilium a Papa Romæ indictum.*

Anno necdum exeunte Papa ad Mens-  
sem Aprilem anni sequentis Conci-  
lium indixit Generale Romæ celebra-  
tum, morem gesturus Synodi Pisanæ de-  
creto, quod intra trium mensium spa-  
tium

Sæcul. XV.

A. C. 1411.

Labh. Conc.  
tom. XI.

p. 2323.

Monach. S.

Dionys. l. 32.

p. 843.

Hist. Eccles. Tom. XXV.

X

tium